

Акафист

Собору святых отцев, в земли Кольстей просиявших.

Память 16 / 29 декабря

Кондак 1

Днесь радуйся, душе, и ликуйте, собори празднлюбнии, / яко до Севера Крайняго и моря Ледоватаго приидоша чада Господня. / Днесь в полунощней идольстей тме возсия благодать веры, / мгла разгнася, облистá свет, / туман разсеяся и взыде Солнце Правды. / Днесь Церковь земли Кольския приносит Богу плоды: / се аз и дети, яже ми даде Бог; / от всяких нас бед и напастей свободайте, святии, благоприятными вашими молитвами, / да со умилением зываем сиче: /

Радуйтесь, вси святии земли Кольския, // Церкви Христовы похвало и украшение.

Икос 1

Приидите, людие, воспойм собор ангелоподобных, / восприявших веры щит, / отринувших страстей тму, / яже быша крепции в невидимых бранех, / скитающихся в пустынях лопарских, / и в горах, и в пропастях земных, / обративших в бегство полки бесов, / даже до крови пострадавших / и муки многоразличныя от безбожных претерпевших. / Мы же, верою сердечною от души подвижаемы / и благоговения духом исполняемы, / поминаем славыя подвиги ваша // и гласы хвалёбными зовём таковыя:

Радуйтесь, на зов Господень радостно притекшии;

Радуйтесь, всем желанием Христу последовавшии.

Радуйтесь, Святым Духом разум совершенный стяжавшии;

Радуйтесь, идольскую лесьть от земли полунощней изгнавшии.

Радуйтесь, обителей и церквей зиждителие неусыпаемии;

Радуйтесь, благовестницы Христовы, на Небесех прославляемии.

Радуйтесь, откровениями незречёнными просвещёнными;

Радуйтесь, силою апостолов земли северныя одарёнными.

Ра́дуйтесь, всѣ святѣи земли Кольскія, // Цѣркве Христовы похвалó и украшѣние.

Конда́к 2

А́нгела земна́го и небѣснаго челове́ка, / обите́лей и церквѣй зиждите́ля неусыпа́емаго, / преподо́бнаго отца́ нашего Феодори́та почти́м, / се́мя пра́вды ева́нгельскія во язы́цех земель се́верных посе́явшаго / и вся сѣя́ ко Христу́ приве́дшаго, / и просла́вим апо́стольскія по́двиги его́. / А́нгельское твоѣ во плóти жити́е провѣде́в, преподо́бне, / всея́ тва́ри Созда́тель от изде́тка предóброй ю́ности твоея́ до се́дин ста́рости / угото́ва ты в сосу́д целому́дрен и че́стен, / те́мже си́це вопие́м Го́споду: // А́лилу́ия.

И́кос 2

Возсия́ла естѣ ва́ми, досто́блаже́ннии отцы́, / во стране́ Кольстей сла́ва И́стиннаго Бо́га, в Трои́це покланя́емаго: / е́юже просла́вишася примóрскія зе́мли и морсти́и отóцы, / и Цѣрковь правосла́вная, хвалу́ возда́ющи / се́му досто́чтѣмому собо́ру преподо́бных оте́ц, // по досто́янию поёт вам:

Ра́дуйтесь, бла́гое и́го Христо́во люботру́дно понѣсшии;

Ра́дуйтесь, да́ры Ду́ха Свята́го все́м се́рдцем восприѣ́мшии.

Ра́дуйтесь, я́ко трезвѣ́нием ду́х свой во о́гнь разже́гли есте́;

Ра́дуйтесь, я́ко вся́ кра́сная ми́ра сегó нивочто́же вмени́ли есте́.

Ра́дуйтесь, кре́пкое хранѣ́ние усто́м своѣ́м полага́вшии;

Ра́дуйтесь, во е́же не́кия спасти́, все́м вся́ бѣ́вшии.

Ра́дуйтесь, правосла́вной свя́тости предóбрая версто́;

Ра́дуйтесь, послѣ́дних земли́ се́верныя сла́вная красото́.

Ра́дуйтесь, всѣ святѣи земли́ Кольскія, // Цѣркве Христовы похвалó и украшѣние.

Конда́к 3

Изра́вшу ты Пасты́ренача́льнику Христу́ во апо́стола страны́ се́верныя, / а́бие отрѣ́нул еси́, досто́чудне Три́фоне, ми́ра сегó

красная, / претерпел же еси всяко озлобление, / благовестил еси седящим во тме и сени смертной Бога, плотию явльшагося, / и обитель велию Святыя Троицы на Печенге воздвигл еси, и монахов множество собрал еси, / темже со апостолы срадуется дух твой, / воспевая ко Христу Богу: // Аллилуия.

Икос 3

Взыде к Богу молитва великия Лапландии Ангела, / и в пределех мрачных Похьелы явися воинство Христово, / провозвестницы благодати, учителя покаяния, / глашатаи жизни вечныя. / Все сии послушествовани быша верою евангельскою, / и стрясе земля Кольская тму мракобесия. / Мы же, видяще чудное Божие смотрение о сретении сем, // вопием вам сие:

Радуйтесь, страннии, взыскующии Отчества Горняго;

Радуйтесь, крепции, гнавшии страсти тлетворныя.

Радуйтесь, мира избегшии, на брега морския пришедшии;

Радуйтесь, подвигом вашим многих ко Христу приведшии.

Радуйтесь, Святыя Троицы благодатная селения;

Радуйтесь, яко нам неразумным возвещаете Тоя веления.

Радуйтесь, заветов Христовых вернии хранителие;

Радуйтесь, Евангельских смыслов истиннии любителие.

Радуйтесь, вси святии земли Кольския, // Церкви Христовы похвало и украшение.

Кондак 4

Избранный чудотворче и угодниче Христов, Варлааме, / верный учениче преподобнаго Феодорита и друже преподобнаго Трифона, / недугов душевных и телесных скорый целителю, / в мори путие твоей, и стези твоей в водах многих, / яже слезами молитвы омыл еси и образ покаяния нам даровал еси. / Приими от нас с любовью приносимое тебе хвалобное пение, / помози и нам, отче преподобный, такожде покаяться, / да благодатию Духа очиститися, / и да поем тобою благодееющему нам Богу: // Аллилуия.

Їкос 4

Кто не удивится любви вашей к Богу, / о, троице
равноапостольная, / Феодорите блаженне, Трифоне преподобне,
Варлааме всехвальне, / со ученики вашими верными! / Како вменили
есте звезду Полярную во звезду Вифлеемскую / и радостно направили
есте стопы своя при бреже Ледоватаго моря / в край северныя
страны. / Темже народу лопскому добрии пастырие и любящии отцы
явились есте, / пустыню непроходную благою вестию огласивше, // да
воспоет вам народ новопросвещенный сицевая:

Радуйтесь, ибо Христово на себе восприемшии;

Радуйтесь, плоть свою духови покорившии.

Радуйтесь, на краю земли, яко апостолы, послужившии;

Радуйтесь, во трудех духовных в пустынях подвизавшиися.

Радуйтесь, духов злобы лапландския не устрасившиися;

Радуйтесь, свою волю греховную отсекасти научившиися.

Радуйтесь, откровением помыслов своих укрепившиися;

Радуйтесь, благодатию Духа Святаго умудрившиися.

Радуйтесь, вси святии земли Кольския, // Церкви Христовы
похвало и украшение.

Кондак 5

Приидите вси, верное стадо Христово, духовно сошедшеся, /
днесь восхвалим благочестиваго вкупе и монашескаго корене святую
отрасль, / дивнаго старца Иону с доблим сомолитвенником Германом,
/ Христа до смерти возлюбившия / и Сего ради вражее неправедное
заколение и огонь язвущий претерпевшия, / благоуханием исполнивше
небесная / и сердечное око к Богу вперивше, / воспели Ему есте: //
Аллилуиа.

Їкос 5

Кийми похвалами восхвалим преподобных отцев Собор? / Кийми
славословлении прославим светносную память их? / Велие
торжество земли нашея святых память явися. / Ныне, прославльшему

вас Христу предстояще, / молитесь о нас прилежно. / Мы же, суетою помраченнии и во гресех все житие иждившии, / дивящися подвигам вашим пустынным, // вопием с благодарением сердечным:

Радуйтесь, отшельницы и молчальницы предивнии;

Радуйтесь, молитвенницы о земли Российской усерднии.

Радуйтесь, свещи неугасимыя, в пустыни дивей пламеневшия;

Радуйтесь, вся мира сего красная Бога ради презревшии.

Радуйтесь, за Христа страдания претерпевшии;

Радуйтесь, любви ради Божия славную смерть приемшии.

Радуйтесь, земнии ангели и человецы небеснии;

Радуйтесь, Христови избранницы вернии и благочестнии.

Радуйтесь, вси святии земли Кольския, // Церкви Христовы похвало и украшение.

Кондак 6

Боготечныя звезды, / путеводящая к Солнцу Правды, Христу Богу, явились есте, / пастыреначальниче игумене Гурие, / священнойноче Пахомие, / иеродиаконе Иосифе, / достославне Амвросие / и прочие сто шестьнадесять иноков и бельцев, / во обители Печенжстей подвизавшиися / и Христа ради мужественно пострадавшии, / чрез мучения тяжкая и огонь бо проидосте / и, яко ученицы вернии преподобнаго Трифона и друзи Христовы, / жизнью своих не пощадиште за Господа своего, / но, жестоко биены и огнем опаляемы бывше, / зывали есте к Нему велегласно: // **А**ллилуиа

Икос 6

Яко многосветлыя звезды, / добродетелей светлостию озаряете верных исполнения, / преподобнии отцы наши и вси Божии угодницы земли Кольския. / Совокуплься Собор святых Твоих, Господи, ради любви, / и, тоя наслаждающися, со Ангелы ликует о Тебе, Всевидче Господи всех: / егоже ликовствования да и нас сподобиши / молитвами угодников Твоих, Всесильне, // и нашими провещаниями сицевыми:

Радуйтесь, измлада Иисуса Христа возлюбившии;

Радуйтесь, гласа Пастыря Добраго возжелевшии.

Ра́дуйтеся, и́дольския лэ́сти усэ́рднии истреби́телие;
Ра́дуйтеся, ди́авольских ко́зней дерзнове́ннии обличи́телие.
Ра́дуйтеся, му́жество и кре́пость в страда́ниях тяжких яви́вшии;
Ра́дуйтеся, твёрды́м испове́данием ве́ру запечатле́вшии.
Ра́дуйтеся, оби́телем Христо́вым похвало́ и утвержде́ние;
Ра́дуйтеся, Це́ркве Ру́ския сла́во и похвалéние.
Ра́дуйтеся, всѣ́ святѣ́и земли́ Ко́льския, // Це́ркве Христо́вы
похвало́ и украше́ние.

Конда́к 7

Тле́нная и земна́я наслажде́ния отринув, / пусты́нное жити́е
возлюби́л еси́, сла́вный Евфи́мие, / брега́ в послéдних конце́х
се́верныя страны́ / церква́ми и скита́ми, я́ко древа́ми ма́сличными,
укра́сил еси́. / Долготу́ пу́тнюю и опа́сности мо́ря нивочто́же вменя́я, /
доше́д да́же до Норве́жския земли́, / пустынножи́тия рачи́тельство
восхваля́я, / на высоту́ добродéтелей восшел еси́, / Бо́гу хвале́бную
песнь поя: // Аллилу́ия.

И́кос 7

Кра́я полно́щнаго подви́жницы благоче́стия, / за гра́ды и ве́си на
конце́х земли́ предста́тели те́плии яви́стесея, / отцы́ преблаге́ннии. /
Христа́ Бо́га моли́те о нас, / священны́й ва́ш Собо́р почита́ющих и
любо́вию вопию́щих: / ра́дуйтеся, земли́ Ко́льския и всея́ Руси́
похвало́ и утвержде́ние. / Мы́ же, взира́юще на дела́ ва́ша сла́вная, //
вопи́ем вам си́це:

Ра́дуйтеся, мно́гих чудэ́с творéния от Го́спода приéмшии;
Ра́дуйтеся, духо́вных ча́д мно́жество во Христé породившии.
Ра́дуйтеся, и́стин боговéдения ве́рнии рачи́телие;
Ра́дуйтеся, Пресвяты́я Трѣ́ицы те́плии служи́телие.
Ра́дуйтеся, пэ́стуны иску́снии и попечи́тели ре́вностнии;
Ра́дуйтеся, сокруши́вшии де́монов немощны́я дэ́рзости.
Ра́дуйтеся, незаходи́мая сия́ния и спо́лохи мы́сленнии;
Ра́дуйтеся, ко́зней бесо́вских победи́телие вы́спреннии.

Ра́дуйтеся, всѣ святѣи земли Кольскія, // Цѣркве Христовы похвалó и украшѣние.

Конда́к 8

Пóстническое и равноáнгельное жити́е при́ймше, / преподóбнии отцы́ Аксѣе, Авксѣнтіе и Тарáсие, / в Помóрие пусты́нное удали́лися есте́, áки в тѣхое пристáнище, / на нáволок Кашкара́нский всели́лися есте́, и мно́гая лѣта та́мо пожи́ли есте́, / и, непреста́нныя моли́твы, я́ко копи́е, в рукахъ иму́ще, / крѣпко победи́ли есте́ бесóвская ополчѣния, / благода́ть при́ймше целѣ́ти недúги душ и телѣс нáших. / Мы же прославля́вльшему вас Бóгу всера́достно взывáем: // Аллилу́ия.

И́кос 8

Отцы́ предѣвнии и всечестнѣи, / земли́ Кольскія моли́твенницы и покровѣтелие, / пóдвигом дóбрым подвизáстеся, / течѣние жи́зни дóльней скончáсте, / вѣру свято соблюдо́сте; / ны́не, ра́дующеся и веселя́щеся в преслáвныхъ селѣниихъ Отца́ Небѣснаго, / пóчести обетовáнныя при́ясте, / не отрѣните úбо и нáшихъ моли́тв, / я́ко, да ублажа́юще любóвию / прославля́емъ вы сѣце:

Ра́дуйтеся, истины Христовой твѣрдии ревнѣтелие;

Ра́дуйтеся, вражды́ и нестро́ений всегрóзнии обличѣтелие.

Ра́дуйтеся, крестъ свой терпели́вно нести́ уча́щии;

Ра́дуйтеся, во е́же нѣкия спасти́, всемъ вся бѣ́вшии.

Ра́дуйтеся, благо́е и́го Христо́во смире́нно понѣсшии;

Ра́дуйтеся, в терпѣнии ва́шемъ дýши ва́ша стяжавшии.

Ра́дуйтеся, ре́вности о Христѣ́ Иисýсе испóлненнии;

Ра́дуйтеся, тогó ра́ди в Цáрствіе Бóжие внѣ́ти удо́стоеннии.

Ра́дуйтеся, всѣ святѣи земли́ Кольскія, // Цѣркве Христовы похвалó и украшѣние.

Конда́к 9

О, преслáвнаго чудесé! / Узрѣ́ Господь гóрдая времена́, / и сѣ, скончána сýть, и беззакóнныя егó испóлнишася, / и возсия́ша с весѣ́лиемъ новомóченицы в послѣ́днихъ земли́, / и прѣлести́ невѣ́рія

мрак отгнаша, / и ко́зни бесо́вския, я́ко исчеза́ет дым, да исчеза́ша, / и
возрасте́ правда, и посра́млено бы́сть нече́стие. / Ра́дуются ве́рнии и
пра́здник новоявле́нным уго́дником составля́ют, / вопи́юще Христу́
Бо́гу: // Аллилу́ия.

И́кос 9

Святы́и новому́ченицы и испове́дницы Ко́льстии, / светолéпнии
архиере́и и священни́цы, / ино́цы, ино́кини и миря́не, / ве́рнии
Го́сподеву му́жие, жены́ и ча́да, / на Се́вере жесто́кими гони́тели
собра́ннии / и в ка́торжных рабо́тах умуче́ннии, / за Христа́ кро́вь
проли́явшии, / отцы́, бра́тие и се́стры на́ша, / за Го́спода сме́рть
прия́вшии, / испроси́те у Человеколю́бца Бо́га грехо́в прощэ́ние //
вопи́ющим си́це:

Ра́дуйтесь, Крест Господень дерзнове́нно поды́мшии;

Ра́дуйтесь, го́рнюю сла́дость ещэ́ на земли́ вкуси́вшии.

Ра́дуйтесь, враго́в Це́ркве Христо́вы обличите́лие;

Ра́дуйтесь, нече́стивых витий безбо́жных посрамите́лие.

Ра́дуйтесь, ве́рнии, зло́бных гони́телей не убо́явшиися;

Ра́дуйтесь, крэ́пции, у́зы темни́чныя и сме́рть претерпе́вшии.

Ра́дуйтесь, я́ко мучэ́ния лю́тая нивочто́же вмени́ли есте́;

Ра́дуйтесь, я́ко в страда́ниях ваших Бо́га просла́вили есте́.

Ра́дуйтесь, вси́ святы́и земли́ Ко́льския, // Це́ркве Христо́вы
похвало́ и украше́ние.

Конда́к 10

Святы́х Таин Христо́вых ве́рный служи́телю, / пока́яния
пропове́днице и кра́я Ко́льскаго печа́льнице, / уподо́бился еси́
проро́ку Моисе́ю, / ду́шу свою́ за погиба́ющую па́ству положи́л еси́, /
у́зы темни́чныя и сме́рть за Христа́ претерпе́л еси́, / спасай нас
моли́твами твои́ми, о́тче Моисе́е, вопи́ющих: / Го́спода по́йте, дела́, и
превозноси́те Его́ во ве́ки. // Аллилу́ия.

Їкос 10

Днесь с нами собор по́стников и моли́твенников веселится, / преподо́бных и молча́льников сосло́вие ликовству́ет, / му́чеников и страстоте́рпцев лик радуется и Бо́га сла́вит, / и Це́рковь Христо́ва ими украша́ется. / Те́мже, бра́тие ве́рнии, / любо́вию просла́вим вся святы́я земли́ нашея, / я́ко сыны и дщѣри Отца́ Небе́снаго, / ко Оте́честву ве́чному нас возводя́щая, и песнь воспойм благода́рственно: // Аллилу́иа.

Ра́дуйтесь, мно́ги му́ки и ско́рби до кро́ве прия́вши;

Ра́дуйтесь, поко́й вре́менный пра́вды Бо́жия ра́ди презре́вши.

Ра́дуйтесь, немо́щи сме́ртных теле́с нивочто́же вмени́вши;

Ра́дуйтесь, невер́ных уче́нии сво́ими удиві́вши.

Ра́дуйтесь, любве́ ра́ди Господни́ муче́ния претерпе́вши;

Ра́дуйтесь, о́вцы Христо́вы во еди́но ста́до совокупі́вши.

Ра́дуйтесь, олядене́вшая серде́ца их моли́твой согре́вши;

Ра́дуйтесь, свети́льницы, дарова́нии духо́вными горе́вши.

Ра́дуйтесь, всі́ святіи земли́ Ко́льския, // Це́ркве Христо́вы похвало́ и украше́ние.

Конда́к 11

В мо́ре Ледова́том успе́ние обре́л еси́, Безымя́нне, / в телеси́ нетле́ние стяжа́л еси́, преподо́бне, / неве́домый ми́ру ино́че земли́ Те́рския, / но Бо́гови ве́домый и чуде́сами явле́нный. / В лови́тве ры́бней помо́щниче ско́рый / и целі́телю усер́дный в немо́щих и болезнех, / преподо́бне Безымя́нне ино́че, / моли́ Христа́ Бо́га спасті́ся нам, / со смире́нием Благода́телю Бо́гу песнь воспѣва́ющим: // Аллилу́иа.

Їкос 11.

Отцы́ преді́внии и всечестни́и, / земли́ Ко́льския моли́твенницы и покрові́телие, / по́двигом до́брым подвиза́стесь, / тече́ние жи́зни до́льней сконча́сте, / ве́ру свято́ соблюдо́сте; / ны́не, раду́ющесь и веселя́щесь в пресла́вных селе́ниях Отца́ Небе́снаго, / по́чести

обетованныя приясте, / не отрините убо и наших молитв, / яко, да любочестно убожающе, // любовию прославляем вы сиче:

Радуйтесь, образы нищеты духовныя благовиднии;

Радуйтесь, избраннии воители Христоу досточуднии.

Радуйтесь, вся мира сего красная Бога ради презревшии;

Радуйтесь, уста на похваление Господа употребившии.

Радуйтесь, богомыслия и молчания вернии ревнителие;

Радуйтесь, безбожия и нечестия бодростнии обличителие.

Радуйтесь, нас, сущих в скорбех, надеждою осиявающеи;

Радуйтесь, вместо временных вечная нам предлагающеи.

Радуйтесь, вси святии земли Кольския, // Церкви Христоу похвало и украшение.

Кондак 12

О, преславнаго чудесе, / дивнии угодницы Божии, / яко древа масличная, в бесплодней пустыни земли Кольския процветшии, / нами славословятся днесь. / **О**, преподобнии мужие, / мученицы и стратотерпцы земель северных, / от родов наших прозябшии, / сеяния небеснаго класы духовнии, / плод сторицею Господу сотворившии, / почтим вы сердцем и усты, / да благоприятно чудодельному в вас Богу вопием: // Аллилуия.

Икос 12

Востани с нами, православный соборе вселенский, / прославим Благодетеля всех Бога, / воздвигшаго славный Собор подвижников Кольских, / подвиги равноапостольныя в северных пределах Святыя Руси сотворшия, / правду Божию неведущим народам возвестившия / и подвиг крестоношения zde понесшия. / Хвалим вас, досточуднии, и убожаем достопамятная жития ваша, // воспевающе песнь благодарения:

Радуйтесь, сосуди избраннии, добродетельми украшеннии;

Радуйтесь, сильнии, немощныя собравшии и расточеннии.

Радуйтесь, мужества и терпения мудрии наставницы;

Рáдуйтеся, послéдних землі сла́внии избра́нницы.
Рáдуйтеся, недúгов на́ших мѣлостивии целѣтельницы.
Рáдуйтеся, бóдрии, Правосла́вныя вѣры побóрницы;
Рáдуйтеся, ва́ми бо мрак губѣтельный от нас удаля́ется;
Рáдуйтеся, ва́ми бо Дух Господень на нас изливáется.
Рáдуйтеся, всѣ святѣи землі Кóльския, // Цѣркве Христо́вы
похвалó и украшѣние.

Конда́к 13

О, Всеблаже́ннии и всяких похвалéний превѣ́шнии, /
преподóбнии отцы́ на́ши Кóльстии, / примѣте ма́лое сиé на́ше вам
приношѣние, / умоли́те Подвигополо́жника и Соверши́теля Иисúса, /
да сохранѣт край наш се́верный, / и всякий град, и страну́
христиа́нскую от всякѣя напáсти и обстоя́ния, / да изли́ет на ны
потóцы мѣлости Своея́ / и сподóбит Небéснаго Цáрствѣя Своего́, /
иде́же с ва́ми и со всѣм со́нмом святѣ́х Землі Росси́йскаго / воспоём
Бо́гови хвалéбную песнь: // Аллилу́иа.

(Се́й конда́к чтѣтся трѣ́жды, затѣм 1-й ѱкос и 1-й конда́к)

Ўкос 1

Приидите, лю́дие, воспо́йм собóр ангелоподóбных, /
восприя́вших вѣры щѣт, / отрѣнувших страстѣ́й тмú, / я́же бѣ́ша
крѣпции в невидимых бранѣ́х, / скита́ющихся в пусты́нях лопáрских, /
и в гора́х, и в про́пастех земных, / обратѣвших в бѣ́гство полки́
бесóв, / да́же до кро́ви пострада́вших / и мúки многоразлѣ́чныя от
безбо́жных претерпѣвших. / Мы́ же, вѣрою сердéчною от души́
подвизáеми / и благоговѣ́ния дúхом исполня́еми, / поминáем сла́вныя
пóдвиги ва́ша // и гла́сы хвалéбными зовѣ́м такова́я:

Рáдуйтеся, на зов Господень радóстно притѣ́кшии;
Рáдуйтеся, всем желáнием Христу́ послéдовавшии.
Рáдуйтеся, Святы́м Дúхом рáзум соверше́нный стяжавшии;
Рáдуйтеся, идольскую лeсть от землі полу́нощней изгна́вшии.
Рáдуйтеся, обѣтелей и церквѣ́й зиждѣтелие неусыпа́емии;
Рáдуйтеся, благовѣ́стницы Христо́вы, на Небéсах прославля́емии.
Рáдуйтеся, откровѣ́ниями незрѣ́ченными просвѣ́щеннии;

Рáдуйтесь, сiлою апóстолов землi сéверныя одарéннии.

Рáдуйтесь, всi святiи землi Кóльскія, // Цéркве Христóвы похвалó и украшéние.

Кондáк 1

Днесь рáдуйся, душé, и ликуйте, собóри празднóлюбнии, / я́ко до Сéвера Крайняго и мóря Ледовáтаго приидóша чáда Госпóдня. / Днесь в полúнощней iдольстей тмé возсия́ благодáть вéры, / мглá разгна́ся, облистá свет, / тумáн разсéяся и взыде Сóлнце Прáвды. / Днесь Цéрковь землi Кóльскія принóсит Бóгу плоды́: / се аз и дéти, я́же ми даде́ Бóг; / от вся́ких нас бéд и напáстей свобожда́йте, святiи, благоприя́тными ва́шими молiтвами, / да со умилéнием взыва́ем сiще: /

Рáдуйтесь, всi святiи землi Кóльскія, // Цéркве Христóвы похвалó и украшéние.

Молитва Собору Кольских святых

О, божéственный пóлче, Небéснии вои́ни Христа́ Бóга, преподóбнии и богонóснии отцы́ Землi Кóльскія! Вы, слóво ева́нгельское сердцы́ благiми восприймше, молiтвами, и слезáми, и мнóгими злострадáнии усéрдно Христóви сораспя́лися есте́ и пéрвее рáлом Ева́нгельских учéний дúши своя́ плодонóсны явiли есте́, пóслежде и непло́дную пусты́ню лопáрскую, я́ко благоцветúщий рай, соделали есте́, на трапéзу духóвную всех созывáюще.

О, светозáрнии отцы́ Земли́ Кóльскія, Цéркве Христóвы светiльницы! Вы жéртвы благоприя́тныя Бóгу явiлися есте́, преобразiвшеся úмным дéланием, узрели есте́ бúдущей жiзни сла́ву. Божéственным огнём дúши своя́ возжегóсте, Нетвáрнаго Свёта причастiлися есте́, и облистáli есте́ Зéмли Полно́щныя Свётом Невечéрним, и в Сиóн Гóрний востекли́ есте́.

Преподóбнии отцы́ Кóльстии, iноцы и миря́не, мúченицы и новомúченицы Цéркве Рýсскія, вы, плоды́ добродéтелей на землi принéсше, в Небéсных чертóзах ны́не благоухáете, я́ко райстии цветы́, и лицём к лицу́ зрiте Пресвятúю Трóицу, Ю́же дерзновéнно мо́лите спасти́ся душáм нáшим.

И ныне, в день всесвятыя пáмяти вáшея, мóлим вас прилѣжно, святѣи угóдницы Христóвы, нáши тѣплии предстáтелие пред Престóлом Бóжиим и ходáтаи усérднии, да испрóсите нам, грѣшным и недостóйным рабóм, великѣи и богáтыя мѣлости Госпóдни, да прийдѣм вси в познáние ѣстины, приносяще плоды достóйныя покаянѣи, ѣмиже обрящем благодáть Всесвятáго Дúха.

О, дóбрии настáвницы нáши и молѣтвенницы ко Гóсподу! Исходáтайствуйте нам, на землѣ сúщим, душ спасѣние, земнѣх плодóв изобѣлие, временá мѣрна, дни блáги, Краю Кóльскому процветѣние.

Да и мы, недостóйнии, направляѣми вáшими молѣтвами, понѣ на конѣц нáшего многмятѣжнаго житѣя, возлúбим вѣчное пáче врѣменнаго, и в свой единонадесятыи час порабóтаем с усérдием Небѣсному Домовладѣце Христú, и с сердѣчным благодарѣнием пролиѣмся слезáми неизречѣнныя рáдости, восхваляюще великое и достопокланяѣемое Ёмя Отцá, и Сына, и Святáго Дúха ныне, и прѣсно, и во вѣки векóв.

Амѣнь.